

Headline	12 negara nyata hasrat contohi modul Tabung Haji		
MediaTitle	Utusan Malaysia		
Date	03 Jul 2014	Color	Full Color
Section	Dlm Negeri	Circulation	178,211
Page No	13	Readership	534,633
Language	Malay	ArticleSize	154 cm ²
Journalist	N/A	AdValue	RM 3,072
Frequency	Daily	PR Value	RM 9,216



12 negara nyata hasrat contohi modul Tabung Haji

MEKAH 2 Julai - Sebanyak 12 negara menyatakan hasrat mencontohi modul pengurusan Tabung Haji (Tabung Haji) dalam aspek dana dan latihan kepada jemaah yang bakal menunaikan ibadah umrah dan haji.

Pengerusi TaHa Alam Sdn. Bhd., Tan Sri Hashim Meon berkata, negara itu termasuklah Maldives, Senegal, Nigeria Filipina, Australia, Kazakhstan dan Tatarstan.

"Selama 50 tahun dalam pengurusan ibadah umrah dan haji,

Tabung Haji sering mendapat maklum balas positif daripada negara luar untuk mengguna pakai modul dan sistem kendalian kita dalam menguruskan ibadah umrah dan haji.

"Setakat ini, sebanyak 12 negara

telah menyatakan hasrat mencontohi modul tersebut dan TaHa Alam kini dalam peringkat perbincangan serius dengan Filipina, Tatarstan dan Maldives," katanya dalam sidang akhbar, di sini hari ini.

Yang turut hadir, Ketua Pegawai Eksekutif TaHa Alam, Nik Joharris Nik Ahmad.

TaHa Alam merupakan syarikat usahasama global antara Tabung Haji, thetaedge Berhad dan anak syarikat Bank Pembangunan Islam (IDB), Islamic Corporation For The Development Of The Private Sector (ICD) yang ditubuhkan pada tahun 2012.

Tabung Haji yang juga merupakan institusi kewangan Islam utama di Malaysia disokong oleh dana sebanyak RM48 bilion dan 8.4 juta penyimpanan.

Sementara itu, Hashim berkata, untuk tempoh jangka pendek, pihaknya menawarkan tiga aspek perkhidmatan iaitu perundingan, latihan dan pengurusan dana serta logistik jemaah haji kepada negara yang berminat.

Katanya, pada masa ini pihaknya memberi tumpuan kepada 56 negara Islam yang menganggotai IDB.

"Sistem ini akan memberi manfaat kepada jemaah pada masa akan datang seperti lebih menjimatkan kos dan memberi kemudahan kepada mereka melaksanakan ibadah di tanah suci.

"Dalam jangka panjang pula, TaHa Alam berharap dapat membantu mewujudkan organisasi pengurusan haji yang sama seperti Tabung Haji di negara Islam berkenaan," katanya.

